



Mirrors Beauty Academy ta ofrece e siguiente servicjonan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Dicon partidonan tradicional ta perde voto na Aruba?

E resultadonan di eleccionnan na Aruba durante e ultimo decada ta muestra un tendencia cla: partidonan tradicional ta perde sosten di manera constante. Un analisis di e cifranan ta muestra cu partidonan tradicional ta haya menos voto cada eleccion, mientras cu partidonan mas chikito of alternativo ta gana tereno. Kico ta stimula e cambio aki y con e cambio generacional ta influenciando esaki?


Un disminucion di lealtad

Partidonan tradicional, cu tabata podera na Aruba, ta confronta dificultad pa mantene e lealtad di nan base di voto. Den 2013, AVP y MEP hunto tabata representa 87.9% di e total di voto. Pa 2024, e cifranan a cay na 63.9%. Mientras tanto, e cantidad di voto pa otro partidonan ta subi di 12.1% pa 36.1%. Esey ta sugeri cu Arubianonan ta buscando opcionnan nobo, reflehando talbes un insatisfaccion cu situacion actual.

Influencia generacional

E composicion generacional di e votado ta cambiando, treciendo perspectiva nobo na eleccionnan. Baby Boomers, conoci pa nan lealtad y nan aversion pa cambio rapido, ta aleha gradualmente for di e area laboral y politico. E grupo aki, cu tabata domina eleccionnan te 2013, awor ta den e edad di 60 te 78 aña, un demografia menos dispuesto pa stimula cambio.

Votadonan di Generacion X, cu ta balora pragmatismo y igualdad, a tuma rol di liderato pero ta menos dispuesto pa sostene partidonan tradicional si nan no ta entrega resultado. Millennials y Generacion Z ta stimula cambio signif-



icativo. Millennials, cu nan enfoke na diversidad, igualdad y rendicion di cuenta, a bira un grupo determinante di votadonan. Generacion Z, cu ta un porcentahe creciente di votado pa 2024, ta menos leal n'e sistemanan tradicional y ta duna prioridad na tema manera salud mental y husticia social.

Prioridadnan nobo, politica nobo

E aumento di generacion mas hoben ta coincide na un demanda creciente pa idea nobo y un gobernacion mas inclusivo. Votadonan Millennials y di Generacion Z ta menos dispuesto pa confia den sistemanan politico estableci di hopi tempo cu no ta trece cambio y ta mas dispuesto pa experimenta cu partidonan nobo cu ta promete cambio radical. Esaki tambe ta influencia pa movimiento global na favor di ekidad y transparencia, pushando politica local pa adresa e problema manera cambio climatico, ekidad den salud mental y corrupcion.

E rol di partidonan mas chikito

Partidonan mas chikito a capitalisa riba e cambio generacional presentando nan mes como alternativo p'e partidonan grandi tradicional. Nan atraccion ta basa riba ofrece solucionnan innovativo y desafia sistemanan tradicional. Esaki a fragmenta e votonan, haciendo e mas dificil pa un solo partido domina eleccionnan manera antes.

E disminucion den voto pa partidonan tradicional na Aruba ta refleha cambio generacional y social mas amplio. Mientras cu Baby Boomers ta disparciendo di escena, Millennials y Generacion Z ta tuma nan luga, treciendo cu nan un demanda pa transparencia, ekidad y accion rapido. Partidonan tradicional mester adapta n'e dinamica nobo of tuma e riesgo di bira irrelevante. Den un epoca unda lealtad no ta garantiza mas, solamente esnan cu ta evoluciona lo sobrevivi den e panorama politico di Aruba.